

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD U BIHAĆU
Broj: 17 0 St 089660 18 St
Bihać, 07.06.2023. godine

OPĆINSKI SUD U BIHAĆU, stečajni sudija Aladin Bajrić, u stečajnom postupku nad stečajnim dužnikom D.o.o. "Čakin-Comerc" Velika Kladuša – u stečaju, dana 07.06.2023.. donio je sljedeće:

RJEŠENJE

1. Pozivaju se svi stečajni povjerioci stečajnog dužnika da u roku od 15 dana od dana objave ovog rješenja u "Službenim novinama F BiH", na depozitni račun ovog suda broj: 1610350003100065, predujme iznos od 26.000,00 KM na ime osiguranja troškova nastavka vođenja stečajnog postupka zbog nedostatka stečajne mase.
2. Ukoliko niko od zainteresiranih iz tačke 1. ovog rješenja ne uplati navedeni iznos predujma u ostavljenom roku, Sud će stečajni postupak nad imovinom D.o.o. "Čakin-Comerc" Velika Kladuša – u stečaju zaključiti zbog nedostatka stečajne mase.
3. Ovo rješenje ima se objaviti u "Službenim novinama F BiH" i na oglasnoj tabli ovog suda.

Obrazloženje

Podneskom od 07.04.2023.godine stečajni upravnik obratio se ovom sudu s prijedlogom da se zaključi stečajni postupak nad imovinom stečajnog dužnika, zbog nedostatka stečajne mase.

Povodom prijedloga stečajnog upravnika, dana 23.05.2023.godine održano je ročište radi saslušanja stečajnog upravnika i predstavnika skupštine povjerilaca.

Na ročištu je stečajni upravnik u cijelosti ostao kod svog prijedloga, te navodi da stečajni dužnik nema nikakve nepokretne i pokretne imovine, te da je za daljnje vođenje stečajnog postupka neophodno predujmiti troškove u iznosu od 26.000,00 KM, pa predlaže da sud rješenjem pozove sva zainteresirana lica da u roku od 15 dana od dana objave rješenja predujme navedeni iznos, a ukoliko to niko od zainteresiranih lica ne učini da se zaključi stečajni postupak.

Prisutni predstavnici skupštine povjerilaca nisu imali primjedbi na prijedlog stečajnog upravnika, te su izjavili da nisu spremni snositi troškove za dalje vođenje stečajnog postupka, pa predlažu da sud postupi po prijedlogu stečajnog upravnika.

Postupajući po prijedlogu stečajnog upravnika, Sud je ovim rješenjem pozvao sve povjerioce koji imaju interes da uplate predujam određen u izreci ovog rješenja radi nastavka stečajnog postupka.

Povjerioci su poučeni da će, ukoliko niko ne položi predujam radi osiguranja troškova nastavka stečajnog postupka, stečajni postupak biti zaključen zbog nedostatka stečajne mase, u skladu s odredbom člana 132. Zakona o stečajnom postupku ("Službene novine FBiH", br. 29/2003, 32/2004, 42/2006, 4/2017 - odluka US i 52/2018).

Pravna pouka:

Protiv ovog rješenja nije dozvoljena žalba



Stečajni sudija
Aladin Bajrić